

四庫全書

集部

欽定四庫全書

集部

詩話總龜後集卷

一至五

詳校官侍郎

臣劉躍雲

主事銜

臣徐以坤覆勘

總校官編修

臣倉聖脉

校對官編修

臣沈清藻

臚錄監生

臣姜士安

欽定四庫全書

詩話總龜後集卷一

宋 阮閱 撰

御製

王師圍金陵唐使徐鉉來朝鉉伐其能欲以口舌解圍  
又盛稱其主博學多藝有聖人之能使誦其詩曰秋  
月之篇天下誦傳之其句云云太祖大笑曰寒士語  
耳吾不道也鉉內不服謂大言無實可窮也遂於殿  
上驚惧相目太祖曰吾微時自秦中歸道花下醉卧

田間覺而月出有句曰未離海底千山黑纔到天中

萬國明鉉大驚殿上稱壽

後山詩話

故事進士期集常擇榜中最年少者為探花郎熙寧中  
始罷之太平興國三年胡秘監旦榜馮文懿極為探  
花是歲登第七十四人太宗以詩賜之曰二三千客  
裏成事七十四人中少年始唐以禮部放榜故座主  
門生之禮特盛主司因得竊市私恩上稍欲革其弊  
既更廷試前一歲呂文穆公蒙正為狀頭始賜以詩

蓋示以優寵之意至是復賜文懿然狀頭詩迄今時  
有探花詩後無繼者惟文懿一人而已最為科舉之

盛事也

蔡寬夫  
詩話

太平興國七年十二月十七日大雪御製雪詩并酒賜  
學士詩云輕輕相亞凝如酥宮樹花粧萬萬株今賜  
酒卿時一盞玉堂聞話道情無又御製五七言詩賜  
蘇易簡五言詩曰翰林承旨貴清淨玉堂中應用咸  
依式深岩比更崇歸家思值日入內集英風儒雅門

生盛高明大化雄七言詩曰運偶昌時遠更深果然  
穀在我中心從風臣偃光朝野此日清華見翰林舉  
措樂時周禮法思賢教古善規箴少年學士文明世  
一寸賢毫數萬尋

金坡遺事

石林詩話楊文公在翰林去職真宗眷之不衰即起為  
郡未幾復以判秘書監召既到闕以詩賜之曰瑣闥  
往年司制詰共嘉藻思類相如蓬山昔日詮墳史還  
仰多聞過仲舒報政列城歸覲後疏恩高閣拜官初

諸生濟濟彌瞻望  
鈇槩咨詢辨魯魚  
祖宗愛惜人才  
保全忠孝之意如此

碧溪

大中祥符五年楊億為學士季夏被疾至十月方赴朝  
叅具狀稱謝御筆狀尾批七言二韻詩賜之詩云承  
明近侍究儒玄苦學勞心疾已痊善保興居調飲食  
副予前席待名賢

金坡遺事

大中祥符二年春真宗御製詩賜知貢舉晁迥云禮闈  
選士古稱難都為升沉咫尺間較藝清時公道在掄

材應得惠人寰五年二月又製詩賜知貢舉晁迥云  
盛時選士貢闈開殿宇聞風獻藝求心似權衡求實  
効勿教蓬華有遺才

同上

天禧三年正月九日錢惟演承明殿面奉知舉真宗御  
製詩并序云卜賢能之多士允協盛猷資侍從之鴻儒  
書伸藻鑑期申職業用示篇章詩云寅奉昌圖紹慶  
基選掄多士叶前規鄉閭薦拔期無濫草澤搜羅詎  
有遺德舉況逢全盛日計偕咸造廣場時春官任職



當求善宗伯掄材務得宜侍從名儒當委任藝文公

道辯妍媸佇伸衡鑑裁深念允協菁莪樂育詩

金坡遺事

二月十八日將放榜賜詩并序序云詳延造士允叶於

盛猷乃眷儒臣式分於重寄論秀才臻於顯効當官

備著於純誠詩云四海為家寶緒隆旁求文雅振儒

風命鄉隨計來多士較藝掄材有澤宮簪紱近臣當

顯任絲綸深旨論丹衷旰宵汲汲予存念夙夜孜孜

爾徇公名實豈惟衡鑑內賢能皆萃網羅中佇觀翹

楚登時用布政分優協庶功

同上

真宗賦御溝柳詩令宰相兩省和進陳執中詩曰一度  
春來一度新翠光長得照龍津君王自愛天然態恨  
殺昭陽學舞人其詩最尤者

西朝寶訓

神宗遵太祖遺意聚積金帛成帑自製四言詩一章云  
五季失圖獫狁孔熾藝祖造邦意有懲艾爰設內府  
基以募士曾孫保之敢忘厥志每庫以一字目之又  
別置詩二十字分揭其上曰每虔夕惕心妄意遵遺

業顧予不武資何以成戎捷後來所謂御前封椿庫者也上意用此以為開拓西北境土之資始命王韶克青唐然後欲經理銀夏復取燕雲元豐五年徐禧永洛劔師之後帝心弛矣

林德裕陵遺事云

前輩云詩有奪胎換骨之說信有之也杜陵謁老子廟一聯云五聖聯龍袞千官列雁行亦以雁行對龍袞然語中的其親切過於本詩茲不謂之奪胎可乎不然則徒用前人之語殊不足貴且如沈佺期云小池

殘暑退高樹早涼歸非不佳也然正用柳惲太液微  
波起長楊高樹秋之句耳蘇子美峽東滄淵深貯月  
巖排紅樹巧粧秋非不佳也然正用杜陵峽東滄江  
起巖排石樹圓之句耳語雖工而無別也

藝苑雌黃

光堯初幸錢塘有詩云六龍轉淮海萬騎臨吳津王者  
本無外駕言蘇遠民瞻彼草木秀感此瘡痍新登堂  
望稽山懷哉大禹勤大哉之言有於天下漢祖大風  
之歌唐宗動草之句不足道也

詩說雋永

賡和

東萊賡和皇帝幸祕書詩麟閣龍旂日月章中興再見  
赭袍光仰觀焜耀人文盛始識扶持德意長功利從  
今卑管晏浮華自昔陋盧王願求實學酬天造肯効

明河織女襄

文集

御燕

嘉祐七年冬宴近臣于羣玉殿英宗以皇子預坐在舍  
人待制之後岐公詩云翠輦生香容扈蹕黃金塗紙

看揮毫介甫云何不言翠玉裝輿岐公改之以進

復

齋漫錄

神廟時經月每夕有赤氣見西北隅如火至人定乃滅  
人謂皇子生之祥故禹玉作大燕樂詞云未曉清風  
生殿閣經旬赤氣照乾坤未幾皇子生大燕羣臣於

集英殿

文正公日錄

榮遇門

蘇參政易簡取開封解時宋尚書白為試官是歲狀頭

登第後十年白為翰林學士易簡以繼召入故易簡  
贈白詩云天子昔取士先後分姪妍濟濟俊兼秀師  
師麟與鸞小子最承知同輩尋改觀甲等叨薦名高  
飛便凌煙遂使拜宸坐果得超神仙迄今纔七歲相  
接乘華軒慶厯二年歐陽文忠公為別頭試官王文  
恭公預薦至嘉祐初文忠在北門文恭亦同院仍同  
知貢舉故文恭詩有十五年前門下客最榮今日預  
東堂之句座主門生同列固儒者盛事而玉堂尤天

下文學之極選國朝以來惟此二人前此所未有也

蔡寬夫  
詩話

嘉祐二年余與端明韓子華翰長王禹玉侍讀范景仁  
龍圖梅公儀同知禮部貢舉辟梅聖俞為小試官凡  
鏢院五十日六人者相與唱和為古律歌詩一百七  
十餘篇集為三卷禹玉余為校理時武成王廟所解  
進士也至此新入翰林與余同院又同知貢舉故禹  
玉贈余云十五年前出門下最榮今日預東堂余荅



云昔時叨出武成宮  
曾看揮毫氣吐虹  
夢寐閑思十年事  
笑談今日一樽同  
喜君今賜黃金帶  
顧我新為白髮翁  
也天聖中余舉進士  
國學南省皆忝第一人  
薦名其後景仁相繼  
亦然故景仁贈余云  
淡墨題名第一人  
孤生何幸繼前塵  
也聖俞自天聖中與  
為詩友余嘗贈云  
猶喜共量天下士  
亦勝東野亦勝韓  
而子華筆力豪  
瞻公儀文思溫雅  
而敏捷皆勍敵也  
前此有南省試官者  
多窘束條制不少  
放懷余六人者

懽然相得羣居終日長篇險韻衆製交作筆吏疲於  
寫錄僮吏奔走往來間以滑稽嘲謔加於風刺更相  
酢酢往往哄堂絕倒自謂一時盛事此前未之有也

歸田  
錄

詩話總龜後集卷一

欽定四庫全書

詩話總龜後集卷二

宋 阮閱 撰

忠義門

世人論淵明自永初以後不稱年號祇稱甲子與思僔  
所論不同觀淵明讀史九章其間皆有深意其尤章  
章者如夷齊箕子魯二儒三篇夷齊云天下革命絕  
景窮居正風凌俗爰感懦夫箕子云去鄉之感猶有  
遲遲矧伊代謝觸物皆非魯二儒云易代隨時迷變

則愚介介若人特為正夫由是觀之則淵明委身蓬  
巷甘黠婁之貧而不自悔者豈非以恥事二姓而然  
也葛常之

子美詩雖有古殿存世尊亦蒙埃山僧衣藍縷告訴棟  
梁摧本即所賦自然及於乘輿蒙塵股肱非材之意  
忠義所激一飯不忘君邪黃常明

明宗召蜀中舊臣賦蜀主降巨唐詩王偕等譏荒淫獨  
中丞牛希濟曰唐主再懸新日月蜀王難保舊山川

明宗曰希濟不忘君親忠孝也賜百段余謂希濟但  
能兩解之辭而已江革云不能殺身報主得死為幸  
誓不為人執筆此可以厲臣子之節

碧溪

詩人比雨如絲如膏之類甚多至杜牧乃以羽林鎗為  
比恐未盡其形似念昔遊云雲門寺外逢猛雨林黑  
山高雨脚長曾奉郊宮為近侍分明懍懍羽林鎗大  
雨行云四面明騰玉京仗萬里橫互羽林鎗豈去國  
淒斷之情不能忘雞翹豹尾中耶

丹陽集

柳遷南荒有云愁向公筵問重譯欲投章甫作文身太  
白云我似鷓鴣易南遷懶北飛皆徧伎躁辭非猷畝  
惓惓之義杜詩云馮唐雖晚達終覲在皇都愁來有  
江水焉得北之胡其賦張曲江云歸老守故林戀闕  
悄延頸乃心王室可知

黃常明

世俗誇太白賜床調羹為榮力士脫靴為勇愚觀唐宗  
渠渠於白豈真樂道下賢者哉其意急得艷詞媒語  
以悅嬖人耳白之論撰亦不過玉樓金殿鴛鴦翡翠

等語社稷蒼生何賴就使滑稽傲世然東方生不忘  
納諫况黃屋既為之屈乎說者以謀謨潛密厯考全  
集愛國憂民之心如子美語一何鮮也力士閨闥腐  
庸惟恐不當人主意挾主勢駢之何所不可脫靴乃其  
職也自退之為虺蜥撼大樹之喻遂使後學吞聲余  
竊謂如論其文章豪逸真一代偉人如論其心術事  
業可施廊廟李杜齊名真忝竊也

君溪

汲長孺段太尉皆義勇奮不顧身之人至於仁愛撫養

矜憐惻怛無所不至所謂剛者必仁仁者必勇也嘗  
觀樂天云況多剛徇性難與世同塵希文云吾生豈  
不幸所稟多剛腸皆心中語也曰則有敢辭為俗吏  
且欲活疲民又云心中有念農桑苦耳裏如聞飢凍  
聲范有寸懷如春風思與天下共赴姑蘇云豈辭雲  
水三千里由濟瘡痍十萬民與汲冢正相似

黃常明

靈徹有相逢盡道休官去林下何曾見一人世傳為口  
實凡語及抽簪即以此譏之余謂矯飾罔人固不足



論若出於至誠時對知己一吐心胃何害觀昌黎送  
盤谷云行抽手板付丞相不待彈劾歸農桑贈侯喜  
便當提攜妻與子南入箕潁無還時如今便當去吐  
吐無自知如今更誰恨可使耕灞滸此類凡數十豈  
苟以飾口哉其剛勁之操不少屈所守素定故也  
永叔嘗試謁執政坐中賦雪詩云主人與國共憂戚豈  
惟喜悅將豐登須怜鐵甲冷徹骨四十餘萬屯邊兵  
當時乃謂唐韓退之亦能道言語其預裴晉公宴會

但云園林窮勝事鐘鼓樂清時不曾如此作鬧殊不  
知老杜一言一詠未曾在於憂國恤人物我之際  
則淡然無著夏日歎曰浩蕩想幽薊王師安在哉夏  
夜歎曰念我荷戈士窮年守邊疆此仁人君子之用  
心終食不可忘也邊兵之語豈為過哉如退之始知  
神官未賢聖護短憑愚要我敬雪徑抵樵叟風廊折  
談僧真作鬧詩也

石溪

余觀楚國先賢傳言汝南應璩作百一詩譏切時事編

以示任事者皆怪愕以為應焚棄之及觀文選所載  
璩百一篇畧不及時事何耶又觀郭茂倩雜體詩載  
百一詩五篇皆璩所作首篇言馬子侯解音律而以  
陌上桑為鳳將雛二篇傷翳桑二老无以葬妻子而  
已無宣孟之德可以賙其急三篇言老人自知桑榆  
之景斗酒自勞不肯為子孫積財末篇即文選所載  
是也第四篇似有諷諫所謂苟欲娛耳目快心樂腹  
腸我躬不悅懽安能慮死亡此豈非所謂應焚棄之

詩乎方是時曹爽事多違法而璩為爽長史切諫其失如此所謂百一者庶幾百分有一補于爽也而爽卒不悟以及于禍或謂以百言為一篇者以字數而言也或謂百者數之終一者數之始士有百行終始如一者以士行而言也然皆穿鑿之說何足論哉後何遜亦有擬百一體所謂靈輒困桑下於陵拾李螯其詩一百十字恐出于或者之說然璩詩每篇字數各不同第不過四十字爾

丹陽集

杜扁舟空老去無補聖明朝又云報主心已老以稷契  
人而使老棄閒曠非唯不形怨望且惓惓如此彼遭  
時遇主言聽計從復幸年鬢未暮而不能據誠戮力  
以圖報効良不愧此歟

君溪

明朝有封事數問夜如何此幸而得之坐以待旦之意  
避人焚諫草騎馬欲雞栖所謂嘉謀嘉猷入告爾后  
于外曰斯謀斯猷惟我后之德也

黃常明

一朝自罪已萬里車書通此與無逸旅獒孟子格君心

之非汲長孺諫上多愆魏鄭公十漸陸宣公奉天詔

書無二道也

同上

昌黎云詣闕二上書臣非黃冠師臣有膽與氣不忍死  
茅茨韋應物送李山人云聖朝多遺逸披膽謁至尊  
豈是貪寵榮誓將救元元梅聖俞贈師暮云臣豈為  
身謀而邀陛下憫是皆急於得君非為利祿計者也

同上

杜詩公若登台輔臨危莫愛身寄裴道州蘇侍御云致

君堯舜付君等早據要路思捐軀此公素所蓄積而  
未及施設者故樂以語人耳夫全軀碌碌之臣果何  
能為汲長孺云天子置公卿寧令從諛承意縱愛身  
崇辱朝廷何任遐曰褚彥回保妻子愛性命遐能制  
之觀此以驗二詩信有證矣自此稷契豈為過哉岑  
侍御行軍詩平生抱忠義不敢私微軀范文正公云  
一入諫諍司鴻毛忽其身

芻溪

世人喜子美造次不忘君嘗觀其祖審言除夜云還將

萬億壽更謁九重城則教忠之家風舊矣

張堯佐以進士擢第累官至屯田員外郎知開州會其  
姪女有寵於仁宗冊為脩媛堯佐遂驟遷擢一日中  
除宣徽節度景靈羣牧四使是時御史唐介上疏引  
天寶楊國忠為戒不報又與諫官包拯吳奎等七人  
論列殿上既而御史中丞留百官班欲以廷諍卒奪  
堯佐宣徽景靈兩使特加介一品服以旌敢言未幾  
堯佐復除宣徽使知河陽唐謂同列曰是欲與宣徽



而假河陽為名耳我曹豈可中已邪同列依違不前  
唐獨爭之不能奪仁宗諭曰差除自是中書介遂極  
言宰相文彥博以燈籠錦媚貴妃而致位宰相今又以  
宣徽使結堯佐請逐彥博而相富弼又言諫官觀望  
挾姦而言涉宮掖語甚切直仁宗怒趣召兩府以疏  
示之介猶諍不已樞密副使梁適叱介使下殿介諍  
愈切仁宗大怒玉音甚厲共恐禍出不測是時蔡襄  
脩起居注立殿陛即進曰介誠狂直然納諫容言人

主之美德必望全貸遂貶春州別駕翊日御史中丞  
王舉正救解之改為英州別駕始上怒未已兩府竊  
議曰必重貶介則彥博不安彥博去即吾屬遞遷矣  
既而果如其料當是時梅堯臣作書竄詩曰皇祐辛  
卯冬十月十九日御史唐子方危言初造膝曰朝有  
巨姦臣介所憤疾願條一二事臣職敢妄率宰相文  
彥博邪行世莫匹曩時守城都委曲媚貴暱銀瑠挿  
左貂窮臘便馳驛邦媛將夸侈中金齋十鎰為我寄

使君奇文織織密遂傾西蜀巧日夜擊鞭朴紅絲緯  
金縷排科闕八七比比雙蓮華篝燈戴星月幾日  
成一端持行如鬼疾明年觀上元被服穩稱質璨然  
奪旨遽爾有薄詰既聞所從來接對似未失且云奉  
至尊於妾豈能必遂回天子顏百事容丐乞臣今得  
粗陳狡猾彼非一偷威與賣利次第推甲乙是惟陰  
猾雄仁斷宜勇黜必欲致太平在列無如弼弼亦昧  
平生況臣不阿屈臣言天下公奚以身自卹君旁有

側目喑啞橫詆叱指言為罔上廢汝還蓬華是時白  
此心尚不避斧鑕雖令禦魑魅甘且同飴密既知弗  
可惧復以強詞窒帝聲亦大厲論奏不容畢介也容  
甚閑猛士膽為慄立貶海外春速欲為異物内外官  
怊怊陛下何未悉即敢救者誰褻執左右筆謂倘不包  
容盛美有所拂平明中執法懷疏又堅述介言或似  
強百豈無一實恐傷四海和幸勿苦倉卒亟許遷英  
山衢路猶嗟咄翊日宣白麻稱決口盈溢阿附連諫

官去若壞絮虱其間因獲利竊笑等蚌鷸英州五千  
里瘦馬行駢馱毒蛇噴曉霧晝與嵐氣沒妻孥不同  
途風浪過蛟窟存亡未可知雨館愁傷骨飢僕時後  
先隨緣拾橡栗粵林多敵天苗柑雜丹橘萬室通釀  
酤撫遠無禁律醉去不論錢醒來等鳴瑟山水仍奇  
怪已可消憂鬱莫作楚大夫懷沙自沉汨西漢梅子  
真出為吳市卒市卒且不慚况茲別乘秩始堯臣作  
此詩不敢示人及歐陽脩為編其集時有嫌避又削

去此詩是以少人知者故今全錄焉

東軒筆錄

鄭谷與僧齊已黃損等共定今體詩格云凡詩用韻有數格一曰葫蘆一曰轆轤一曰進退葫蘆韻者先二後四轆轤韻者雙出雙入進退韻者一進一退失此則繆矣余按倦遊雜錄載唐介為臺官廷疏宰相之失仁廟怒謫英州別駕朝中士大夫以詩送行者頗衆獨李師中待制一篇為人傳誦詩曰孤忠自許衆不與獨立敢言人所難去國一身輕似葉高名千古

重於山並遊英俊顏何厚未死姦諛骨已寒天為吾  
君扶社稷肯教夫子不生還此正所謂進退韻格也  
按韻畧畧難字第二十五山字第二十七寒字又在二  
十五而還又在二十七一進一退誠合體格豈率爾  
而為之哉近閱冷齋夜話載當時唐李對荅話言乃  
以此詩為落韻詩蓋渠伊不見鄭谷所定詩格有進  
退之說而妄為云云也

素絀雜記

唐介始彈張堯佐諫官皆上疏及彈文彥博則吳奎畏

縮不全當時謂拽動陣脚及唐爭論於上前遂并及  
奎之背約執政又黜奎而文潞公益不安遂罷政事  
時李師中詩送唐有並遊英俊顏何厚未死姦諛骨  
已寒之句為奎發也

東軒

詩話總龜後集卷二



欽定四庫全書

詩話總龜後集卷三

宋 阮閱 撰

孝義門

徐師川詩云楚漢紛爭辨士憂東歸那復割鴻溝鄭君立義不名籍項伯胡顏肯姓劉謂項伯籍之近族乃附劉而背項鄭君已為漢臣乃違漢而思楚也余嘗論之曰方劉項之勢雌雄未決也其間豈無容容狡詐之士首鼠兩端以觀成敗而為身謀者乎項伯是

也其意以謂項氏得天下則吾嘗以宗族從軍畫策  
定計豈吾廢哉劉氏得天下則鴻門之會吾嘗舞劍  
以蔽沛公矣廣武之會吾嘗勸勿烹太公矣劉氏豈  
吾廢哉高祖之封項伯殆以此也至鄭君則不然事  
籍籍死屬漢高祖諸故楚臣名籍鄭君獨不奉詔乃  
盡拜名籍者為大夫而逐鄭君觀此則鄭君與項伯  
賢佞可見高祖或逐或封皆徇情之好惡則知戮丁  
公者一時矯激之為也王儉七志曰宋高祖遊張良

廟並命僚佐賦詩謝贍所賦冠于一時今載於文選  
者是也其曰鴻門銷薄蝕咳下隕櫓槍爵仇建蕭宰  
定都護儲皇肇允契幽叟飀飛指帝鄉則子房輔漢  
之策盡於此數語矣王荊公云素書一卷天與之穀  
城黃石非吾師固陵解鞍聊出口捕取項羽如嬰兒  
從來四皓招不得為我立弃商山芝用亦此數事而  
論議格調出於常等東坡論子房袖搥之事以謂良  
不為伊呂之謀而倖出於荊軻聶政之計以余觀之

此良少年之銳氣未足以咎良也圯上授書之後所見豈前比哉葛常之

予曾祖通議兄弟四人取良辰美景賞心樂事之義作四并堂于東園故通議詩云華圃控弦秋學射寒窗留燭夜抄書良辰美景饒心事歡日相并樂起予先祖清孝公兄弟六人取三荆同林之義作培荆亭于西園當時篇詠無存者清孝安遇集中有培荆亭記其畧云西園推輪無亭觀之玩伯兄欲糾合叔季同

耳目之適於是基盈尺之高宏一筵之廣列檻為亭  
號曰培荆至先人文康公罷官南陽適當兵擾復還  
舊棲奉伯父工部居焉別建二老堂于宅南秦望由  
里諸山皆在目植花竹于四隅命某日治饌往往樂  
飲竟日某嘗賦詩云去家纔隔水一股二老堂成三  
百弓鵠原暮下沙水暖鴈行夜落霜天空竹根酌酒  
不妨醉花萼斲詩如許工坐久興開筇竹杖出門人

指兩仙翁

同上

月輪當空天下之所共視故謝莊有隔千里兮共明月之句蓋言人雖異處而月則同瞻矣老杜當兵戈騷屑之際與其妻各居一方自人情觀之豈能免閨門之念而他詩未嘗一及之至於明月之夕則遐想長思屢形詩什月夜詩云今夜鄜州月閨中只獨看繼之曰香霧雲鬟濕清輝玉臂寒一百五日夜對月云無家對寒食有淚如金波繼之曰仳離放紅蕖想像顰青蛾江月詩云江月光於水高樓思殺人繼之曰

誰家排錦字燭滅翠眉顰其數致意閨門如此其亦  
謝莊之意乎顏延之對孝武乃有莊始知隔千里今  
共明月之說是莊才情到處延之未能曉也同上

魏武於諸子中獨愛植丁儀丁廙楊脩之徒為植羽翼  
幾代太子丕而植狂性不自雕勵又太子御之有術  
故易宗之計不行蓋非植遜丕也洎文帝即位植屢  
求試用不報益怏怏帝欲害之下太后曰汝已殺任  
城不宜復殺東阿故止從貶爵則植豈無怨懟乎嘗

觀植所作豫章行云他人雖同盟骨肉天性然周公  
穆康叔管蔡則流言子臧孫千秉季札慕其賢意謂  
已素為武帝所愛忌之者衆故有管蔡流言之說然  
乃自以季札為比亦誣矣豈其掠美之言哉

同上

晉嵇康贈弟秀才四言詩云感悟馳情思我所欽則以  
所欽為弟陸機贈從兄車騎詩云寤寐靡安豫願言  
思所欽則以所欽為兄又贈馮文罷詩云慷慨誰為  
感願言懷所欽則以所欽為友



陸機作詩贈賈謐幾三百言無非極其褒讚方謐用事  
生死榮辱人如反覆手其褒讚亦何足怪然其間亦  
有寄意譏誚人未能推其意者按臧榮緒晉書謐父  
韓壽母賈充少女也充平生不議立後妻郭槐輒以  
外孫韓謐襲封帝許之遂以謐為魯公則是賈謐非  
充子也故機詩云誕育洪胄纂戎于魯言誕育則以  
譏非已生也又曰惟漢有木曾不踰境謂橘踰淮則  
化為枳言如螟蛉之化蜾蠃無異也夫謐勢焰薰灼

如此而機敢為廋詞以狎侮之真文人之習氣哉

王福時之子勔勗皆有才名故杜易簡稱為三珠樹  
其後助勗勗又皆以文顯勗於兄弟之間極友愛自  
鄉遠號詩云人生忽如客骨肉知何常願及百年內  
花萼常相將無使棠棣廢取譬人無良觀此語意豈  
兄弟有不相能者耶及觀誠勗勗云欲不可縱爭不  
可常勿輕小忿將成大殃此二人者似非處於禮義  
之域者棠棣廢之語疑為此二人設也

同上

楊六尚書白樂天妻兄也初除東川節度代妻賀兄云  
覓得黔婁為妹婿可能空寄蜀茶來又寒食寄詩云  
蠻旗似火行隨馬蜀妓如花坐遶身不使黔婁夫婦  
看誇張富貴向何人皆責望之言也 同上

文選載嵇叔夜贈秀才入軍詩李善注謂兄喜秀才入  
軍而張銑謂叔夜弟不知其名考五詩或曰攜我好  
仇或曰思我良朋或曰佳人不在皆非兄弟之稱善  
銑所注恐未必然爾 同上

錢起題杜牧林亭詩云不須耽小隱南阮在平津南阮  
謂杜棕也史載棕更歷將相而牧困躓不自振快快  
不平以至於卒審爾以牧之豈肯受其料理哉然宗  
族貴宦河潤者非一枯死升沉時命存焉何至快快  
如是可以知牧之量不宏也

李義山作驕兒詩時袞師方三四歲爾其末乃云兒應  
勿學耶讀書求甲乙況今西與北羗戎正狂悖兒當  
速成大探雛入虎窟當為萬戶侯勿守一經裘兵連

既結生民塗炭以日為歲之時而乃望三四歲兒立  
功於二十年後所謂俟河之清人壽幾何者也

同上

陶淵明命子篇則曰夙興夜寐願爾之才爾之不才亦  
已焉哉其責子篇則曰雖有五男兒總不好紙筆天  
運苟如此且進杯中物告儼等數則曰鮑叔管仲同  
財無猜歸生伍舉班荆道舊而况同父之人哉則淵  
明之子未必賢也故杜子美論之曰有子賢與愚何  
其掛懷抱然子美於諸子亦未為忘情者子美遣興

詩云驥子好男兒前年學語時世亂憐渠小家貧仰  
母慈又憶幼兒詩云別離經節換聰慧與誰論憶渠  
愁只睡炙背俯晴軒得家書云熊兒幸無恙驥子最  
憐渠元日示宗武云汝啼吾手戰觀此數詩於諸子  
鍾情尤甚於淵明矣山谷乃云杜子美困於三蜀蓋  
為不知者詬病以為拙於生事又往往譏宗武失學  
故寄之淵明爾俗人不知便為譏病所謂癡人面前  
不得說夢也

同上



詩話總龜後集卷三



欽定四庫全書

詩話總龜後集卷四

宋阮閱撰

孝義門

唐人與親別而復歸謂之拜家慶盧象詩云上堂家慶  
畢顧與親思邈孟浩然詩云明朝拜家慶須著老萊  
衣葛常之

荆公初去臨川詩云馬頭西去淚霑襟一望親庭更苦  
心已覺省煩非仲叔安能養志似曾參赴調西京時

詩也非仲叔則自傷不能養口體不如魯參則自傷不能養志也人士一官所駢乃爾為志亦豈得已哉後又有詩云古人一日養不以三公換正為此爾葛常之

張劔州以太夫人喪劔州歸荆公子之詩并示女弟云烏辭反哺顛毛黑烏引思歸口舌丹又有張劔州至劔一日以親憂罷詩云白頭反哺秦烏側流血思歸蜀鳥前所賦皆一時之事而語意重複如此何耶同上

陳繹奉親至孝嘗作慶老堂以娛其母介甫贈之詩云  
種竹常疑出冬筍開池故合涌寒泉蓋不獨詠堂前  
景物而孝感之事實寓焉出冬筍暗用孟宗事涌寒  
泉暗用姜詩事

同上

王稚川調官京師母老留鼎州久不歸侍嘗閱貴人歌  
舞有詩云畫堂玉珮縈雲響不及桃源款乃歌山谷  
次韻諷之曰慈母每占烏鵲喜家人應賦戾戾歌可  
謂盡朋友責善之義谷至孝奉母安康君至為親滌

厠踰浣中裙未嘗頃刻不供子職洎貶黔南不能與  
親俱則贈王郎詩云留我左右手奉承白髮親至贛  
上食蓮有感則曰蓮實大如指分甘念母慈亦可見  
其孝誠矣余聞無瑕者可以錄人則其告稚川之語  
未為過也老杜送李舟詩非不歸重而其中亦不能  
無譏焉所謂舟也衣彩衣告我欲遠適倚門固有望  
歛衣就行役南登吟白華已見楚山碧何時太夫人  
堂上會親戚豈非譏其無方之道耶孔子云父母在

不遠遊遊必有方則山谷少陵之詩皆孔子之意也  
人之事親當以敬為主故孔子告子游曰至於犬馬皆  
能有養不敬何以別乎東哲作補亡詩於南陔白華  
二篇每以為言南陔曰養隆敬薄惟禽之似白華曰  
竭誠盡敬亹亹忘劬可謂得孔子之旨矣今之人恃  
親之愛已而忘其敬者多故表而出之以為事親之  
戒

同上

李白樂府三卷於三綱五常之道數致意焉慮君臣之

義不篤也則有君道曲一篇所謂軒后爪牙常先太  
山稽如心之使臂小白鴻翼於夷吾劉葛魚水二慮  
父子之義不篤也則有東海勇婦之篇所謂淳于免  
詔獄漢主為緹縈津妾一棹歌脫父於嚴刑生子若  
不肖不如一女英慮兄弟之義不篤也則有上留田  
之篇所謂田氏倉卒骨肉分青天白日摧紫荊交柯  
之木本同形東枝顛顛西枝榮無心之物尚如此參  
商胡乃尋天兵慮朋友之義不篤也則有瑩篴謠之

篇所謂貴賤交結心不移惟有嚴陵及光武輕言託  
朋友對面九疑峰管鮑久已死何人繼其蹤慮夫婦  
之情不篤也則有雙燕離之篇所謂雙鸞復雙鸞雙  
飛令人羨玉樓珠閣不獨棲金窻繡戶長相見徐究  
白行事亦豈純於行義者哉永王之叛白不能潔身  
而去於君臣之義為如何既合于劉又合于魯又娶  
于宋又攜昭陽金陵之妓於夫婦之義為如何至於  
友人路亡白為權窻及其靡潰又收其骨則朋友之

義庶幾矣送蕭十一之魯兼問稚子伯禽有高堂倚  
門望伯魚魯中正是趨庭處君行既識伯禽子應駕  
小車騎白羊之句則父子之義庶幾矣如弟凝鐔儕  
况綰各贈詩以致其雍睦之情則兄弟之義庶幾矣  
惜乎二失既彰三美莫贖此所以不能為醇儒也

韻語

陽秋

樂天及第後歸覲留別同年云擢第未為貴拜親方始  
榮此毛得檄而喜之意也論者以春風得意疾決非



孟郊語其氣格亦不類而白公亦有得意減別恨半  
酣輕遠程翩翩馬蹄疾春風歸鄉情此又不可曉也

黃常

明

范文正公雷霆日有犯始可報吾親誰謂臣子忠孝難  
兩全也泣官不敬戰陣無勇本非事親事禮記必以  
為非孝公之謂歟

黃常明

宗族門

謝師厚生女梅聖俞與之詩曰生男衆所喜生女衆所

醜生男走四隣生女各張口男大守詩書女大逐鷄  
狗又云何時集氏郎堂上拜媼叟蓋戲師厚也陳琳  
杜甫詩及楊妃外傳其說異陳琳痛長城之役則曰  
生男戒勿舉生女哺用脯杜甫傷關西之戍則曰生  
女猶得嫁比鄰生男埋沒隨百草楊妃專寵帝室金  
印紫綬寵遍於鈿釧象服魚軒榮均於秦虢當時遂  
有生女勿悲酸生男勿喜歡男不封侯女作妃君看  
女却為門楣之詠而樂天長恨歌亦云遂令天下父

母心不重生男重生女令師厚之女敏質儒門不過  
求賢士以為之配爾縱不至負薪如翟婦餉春如孟  
光亦豈能預知其必大富貴亢宗榮族如蒲之婦人  
乎宜其聖俞以為戲也

韻語陽秋

傳曰學士大夫則知尊祖矣族之所在祖之所自出也  
其可以不敬乎陶淵明有贈長沙公詩序云予於長  
沙公為族祖同出大司馬昭穆既遠已為路人故其  
詩云同源分流人易世踈慨然晤歎念斯厥初禮服

遂悠歲月眇徂感彼行路眷焉踟躕蓋深傷之也長  
沙公於淵明如此而淵明乃以宗族自任其臨別贈  
言之際有進實雖少終在為山之句嗚呼淵明亦可  
謂賢矣杜子美數訪從孫濟而不免於防猜故其詩  
云所來為宗族亦不謂盤餐勿受外嫌猜同姓古所  
敦觀長沙與濟尊祖之義掃地矣

韻語陽秋

詩話總龜後集卷四

欽定四庫全書

詩話總龜後集卷五

宋 阮閱 撰

仁愛門

孟子七篇論君與民者居半其餘欲得君蓋以安民也  
觀杜陵窮年憂黎元歎息腸內熱胡為將暮年憂世心  
力弱宿花石戍云誰能扣君門下令減征賦寄栢學  
士云幾時高議排金門各使蒼生有環堵寧令吾廬  
獨破受凍死亦足而志在大庇天下寒士其仁心廣

大異夫求穴之螻蟻輩直得孟子所存矣東坡問老杜何如人或言似司馬遷但能名其詩耳愚謂老杜似孟子蓋原其心也

若溪

韋蘓州云身多疾病思田里邑有流亡愧俸錢郡中屢集云自慚居處崇未覩茲民康余謂君子當切切作此語彼有一意供租專事土木而視民如讐者得無愧此詩乎

同上

賈生終童欲輕事征伐大抵少年躁銳如經歷老成當

不如此昔人欲沈孫武於五湖斬白起於長平誠有  
謂哉嘗愛老杜云慎勿吞青海無勞問越裳大君先  
息戰歸馬華山陽又有安得壯士挽天河淨洗甲兵  
長不用安得務農息戰聞普天無吏橫索錢願戒兵  
猶火恩加四海深不眠憂戰伐無力正乾坤其愁歎  
憂戚蓋以人主生靈為念孟子以善言陣戰為大罪  
我戰必克為民賊仁人之心易地皆然

黃常明

臨川云黃雀百頭顱長行萬里餘因君令出守暫得免

苞苴使能行此言則虐生類以飽口腹刻疲民以肥  
權勢者寡矣其詩才二十字耳崇仁愛抑奔競皆具  
焉何以多為

杜云築塲憐穴蟻拾穗許村童人謂有仁愛民物意臨  
川詠促織云只向貧家促機杼幾家能有一絢絲愚  
謂世之嚴督征賦不恤疲瘵之有無者雖魁然其形

實微虫智爾

石溪

元結刺道州承兵賦之後徵率煩重民不堪命作春陵



行其末云何人采國風吾欲獻此詩以傳考之結以  
人困甚不忍加賦嘗奏免稅租及和市雜物十三萬  
緡又奏免租庸十餘萬緡因之流亡盡歸乃知賢者  
所存不特空言而已

丹陽集

范文正淮上遇風云一櫂危於葉旁觀欲損神他年在  
平地無忽險中人雖弄翰戲語卒然而作險濟加澤  
之心未嘗忘也

黃常明

王道州春陵行云所願見王官撫養以惠慈奈何重驅

逐不使存活為逋緩違詔令蒙責願所宜又云守官  
貴守道不愛能適時賊退示官吏云使臣將王命豈  
不如賊焉令被徵歛者迫之如火煎誰知絕人命以  
作時世賢子美志之曰今盜賊未息知民疾苦得結  
輩十數人為邦伯萬姓氣吐天下少安立可待已余  
謂漫叟所以能然者先民後己輕官爵重人命故也  
觀其石魚詩云金魚吾不須軒冕吾不愛此所以能  
不徇權勢而專務愛民也杜乃知正人意不苟飛長

纓可謂相知深矣

同上

### 友義門

蘇武李陵在武帝時同為侍中金蘭之義素篤武拘於匈奴明年而陵始降雖逆順之勢殊悲懼之情異然朋友之誼此心常惘惘也觀陵海上勸武使降之言非不切至而武之所以告陵者不過明吾忠義之心而已而未嘗一語及陵之叛若告衛律者則不然盡辭詬詈歸之於不忠不臣之科而此以節義臨之幾

使惡死此亦可以見於陵厚矣後武得歸陵置酒賀  
武曰今足下還歸揚名於匈奴功顯於漢室雖古竹帛  
所載丹青所畫何以過子卿故李太白蘓武詩云渴  
飲月窟水飢食天上雪東還沙塞遠北愴河梁別泣  
把李陵衣相看淚成血蓋亦是意語爾

韻語陽秋

石林詩話元豐間東坡繫獄神宗本無意罪之時相因  
舉軾檜詩根到九泉無曲處歲寒惟有蟄龍知且云  
龍飛在天軾以為不知已而求知地下之蟄龍非不

臣何得章子厚從而解之遂薄其罪而王定國見聞錄  
云東坡在黃州時上欲復用王禹玉以歲寒惟有蟄  
龍知激怒上意章子厚力解遂釋予觀東坡自獄中  
出與章子厚書云某所以得罪其過惡未易一二數  
平時惟子厚與子由極口見戒反復甚苦某強狠自  
不以為然又云往時相識但過相稱譽以成吾過一  
旦有患難無復相哀昔唯子厚平居遺我以藥石及  
困急又有以救卹之真與世異矣則知坡繫獄時子

厚救解之力為多石林詩話不妄也

陽秋

東坡歸陽羨時流離顛躓之餘絕祿已數年受梁吉老  
十絹百絲之饁可見非有餘者李憲仲之子鷹以四  
喪未舉而見公則盡以贈之且贈以詩曰推衣贈孝  
子一溉滋湯旱誰能脫左驂大事不可緩章季默三  
喪未葬亦求於公公亦以助之有不辭毛粟施行自  
邱山積之句其高蓋出於天資矣

同上

幼敏門

西清詩話云魯直少驚喜八歲能作詩送人赴舉云送君歸去明主前若問舊時黃庭堅謫在人間今年此已非髫髻稚語矣

桐江詩話云山谷七歲作牧童詩云騎牛遠遠過前村吹笛風斜隔隴聞多少長安名利客機關用盡不如君

林傑幼而聰慧言發成文質瑩凝脂音清扣玉嘉聚羣書又妙于手談當時名公多與之交及有是子益大

其門廉使崔侍郎

關

與之遷職詞云家藏萬卷學富

三冬傑五歲父因挈行云云後業詞賦頗振聲光有

仙客入壺中賦云仙客以變化隨逍遙放情處於外

則一壺斯在入其中則萬象皆呈飛閣重樓不是人

間之狀竒花異木無非物外之名至九歲謁大夫盧

員常侍黎埴無不嘉獎尋就賓薦日在讌筵侍御李

遠支使趙格深所知仰不捨斯須和趙支使詠荔枝

尤佳云金盤摘下排朱顆紅壳開時飲玉漿副使鄭



立竒童傳制使劉潼序以貽之

閩川名士傳

王元之年七八歲已能文畢文簡公為郡從事始知之  
問其家以磨麪為生因令作磨詩元之不思以對但  
存心裏正無愁眼下遲若人輕著力便是轉身時文  
簡大竒之當於子弟中講學一日太守席上出詩句  
鸚鵡能言爭似鳳坐客皆未有對文簡寫之屏間元  
之書其下蜘蛛雖巧不如蠶文簡歎息曰經綸之才  
也遂加以衣冠呼為小友至文簡入相元之已掌書

命矣

聞見錄後

志氣門

蔡寬夫詩話云太白之從永王璘世頗疑之唐書載其事甚畧亦不為明辨其是否獨其詩自序云夜半水軍來潯陽滿旌旃空名適自誤迫脅上樓船從賜五百金棄之若浮烟辭官不受賞翻謫夜郎天然太白豈從人為亂者哉蓋其學本出從橫以氣俠自任當中原擾攘時欲藉之以立奇功耳故其巡歌有但用

東山謝安石為君談笑靜胡沙之句至其卒章乃云  
南風一掃胡塵靜西入長安到日邊亦可見其志矣  
大抵才高意廣如孔北海之徒固未必有成功而知  
人料事尤其所難議者或責以璘之猖獗而欲仰以  
立事不能如孔巢父蕭穎士察於未萌斯可矣若其  
志亦可哀已

蘇子由云李白詩類其為人俊發豪放華而不實好事  
喜名不知義之所在也其語兵則先登陷陣不以為

難語游俠則白晝殺人不以爲非此豈其誠能也白始以詩酒奉事明皇遇讒而去所至不改其舊永王將據江淮白起而從之不疑遂以放死今觀其詩固然唐詩人李杜稱首今其詩皆在杜甫有好義之心白所不及也漢高祖歸豐沛作歌曰大風起兮雲飛揚威加海內兮歸故鄉安得猛士兮守四方高帝豈以文字高世者帝王之度固然發於中而不自知也白詩反之曰但歌大風雲飛揚安得猛士守四方其

不識理如此老杜贈白詩有重與細論文之句謂此類也

高齋詩話云荆公題金陵此君亭詩云誰怜直節生來瘦自許高才老更剛賓客每對公稱頌此句公輒顰蹙不樂晚年與平甫坐亭上視詩牌曰少時作此題榜一傳不可追改大抵少年題詩可以為戒平甫曰此楊子雲所以悔其少作也

石林詩話云荆公以意氣自許故詩語為其所向不復

更為涵蓄如天下蒼生待霖雨不知龍向此中蟠又  
濃綠萬枝紅一點動人春色不須多又平治險穢非  
無力潤澤焦枯是有才之類皆直道其胸中事後為  
郡牧判官從宋次道盡假唐人詩集博觀而約取晚  
年始盡深婉不迫之意乃知文字雖工拙有定限然  
必視其幼壯雖公方其未至亦不能力強而遽至也  
石林詩話云蘇明允至和間在京師既為歐陽文忠公所  
知其名翕然韓忠獻諸公皆待以上客嘗遇重陽忠獻

置酒私第惟文忠與一二執政而明允乃以布衣參其間郡人以為異禮席間意氣尤不少衰明允詩不多見然精深有味語不徒發正類其文而讀易詩云誰為善相應嫌瘦後有知音可發彈婉而不迫哀而不傷所作自不必多也

述志門

余嘗官展嘗借詩集於士人中有小篇序云成都華陽天慶中進士葉沆作止百篇時有可觀如閑居感懷

云身閑難報國語直易傷時村墅云夜庭和月掃秋  
戶拂雲開亦可想見其曾襟也

和靖與士夫詩未嘗不及遷擢與學子詩未嘗不言登  
第視此為何等隨緣應接不為苟難亢絕如此老杜  
云本無軒冕意不是傲當時鍾鼎山林各天性濁醪  
麤飢任吾年道義重而輕王公者也阮孝緒南平王要  
之不赴曰非志驕富貴但性畏廟堂使麀麀可駭何  
異驪駮



求意門

復齋漫錄云書當快意讀易盡客有可人期不來世事  
相違每如此好懷百歲幾迴開其後又寄黃克前四  
句云俗子推不去可人廢招呼世事每如此我生亦  
何娛蓋無已得意故兩見之

胡氏評詩曰魯直過平輿懷李子克詩世上豈無千里  
馬人中難得九方臯題徐孺子祠堂詩白屋可能無  
孺子黃金不是欠陳蕃二詩命意絕相似蓋歎知音

者難得耳


茗溪漁隱曰錫宴明日絕句云宴罷回來日欲斜平康坊裏那人家幾多紅袖迎門笑爭乞釵頭利市花清明日絕句云無花無酒過清明興味都來似野僧昨日隣家乞新火曉窻分與讀書燈二詩何況味不同如此亦可見其老少情懷之異也

胡氏評詩曰澶淵之役王介甫以謂丞相萊公功第一張文潛以為可能功業盡萊公大抵人之議論各有

所見故爾不同今具載二詩識者當能辨之介甫澶  
州詩云去都二百四十里河流中間兩城峙南城草  
上不受兵北城樓櫓如邊城城中老人為予語契丹  
此地經鈔虜黃屋親臨矢石間胡馬飲踏河水渡天發  
一矢胡無酋河水亦破沙水流歡盟從此至今日丞  
相萊公功第一文潛聽客話澶淵事詩云憶昔胡來  
動河朔黃河飲馬吹胡角澶淵城下水載車邊風蕭  
蕭千里賒城上黃旗坐真主夜遣六丁張猛弩雷驚

電發一矢飛橫射胡酋貫車柱犬羊無踪大漠空歸  
來封禪告成功自是乾坤扶聖主可能功業盡萊公  
談苑曰余知制誥日與余恕同考試恕曰夙昔師範徐  
騎省為文騎省嘗有徐孺子亭記其警司云平湖千  
畝凝碧乎其下西山萬疊倒影乎其中他皆常語近  
得舍人所撰涵虛閣記終篇皆奇語自渡江來未嘗見  
此信一代之雄文也其相推如此因出義山詩共讀  
酷愛一絕云珠箔輕明拂玉墀披香新殿聞腰支不

須看盡魚龍戲終遣君王怒偃師擊節稱嘆曰古  
人措辭寓意如此之深妙令人感慨不已



詩話總龜後集卷五

欽定四庫全書

集部

詩話總龜後集卷六至十

詳校官侍郎<sub>臣</sub>劉躍雲

主事銜<sub>臣</sub>徐以坤覆勘

總校官編修<sub>臣</sub>倉聖脉

校對官編修<sub>臣</sub>沈清藻

謄錄監生<sub>臣</sub>姜士安

欽定四庫全書

詩話總龜後集卷六

宋 阮閱 撰

諷諭門

唐文宗夏日聯句東坡謂宋玉對楚王雄風譏其知己  
不知人也公權小子有美而無規為續之云一為居  
所移苦樂永相忘願言均此施清陰分四方或謂五  
弦之薰解愠阜財已有陳善責難之意愚謂不然凡  
規諫之辭湏切直分明乃可以感悟人主故盜言孔



甘良藥苦口若以薰風自南來為陳善閉邪但恐後  
世導諛側媚持兩可者皆得以冒敢諫之名也

若溪

陽城德行道義為士林之所敬服德宗以銀印赤紱起  
于隱所驟拜諫官可謂賢且遇矣故學生聞道州之  
貶投業而叫閤賢士愴驛名之同檣辭而頌德可以  
知其賢不誣也然退之諫臣論乃極口貶之何哉其  
言曰今陽子實一匹夫在諫位不為不久而未嘗一  
言及於政視政之得失若越人之視秦人之肥瘠問

其官則曰諫議也問其政則曰我不知也有道之士  
固如是乎考之本傳以謂他諫官論事苛細帝厭苦  
城漫聞得失且熟猶未肯言客屢諫之第醉以酒而  
不荅蓋其意有所待矣至德宗逐陸贄欲相裴延齡  
而城伏蒲之說始上廷爭懇至累日不解故元微之  
詩云正元歲云暮朝有曲如鉤飛章八九上皆若珠  
暗投且曰事不止臣諫誓不休而白樂天亦云陽城  
為諫議以正事其君其手如屈軼舉必指佞臣卒使

不仁者不得秉國鈞柳子厚亦云抗志厲義直道是  
陳蓋退之諫論乃在上裴延齡為相之前而三子頌  
美之言乃在陽城極諫之後也

丹陽集

蔡寬夫云江湖多白鳥天地有青蠅人遂以白鳥為鷺  
而禮記月令羣鳥養羞鄭氏乃引夏小正丹鳥白鳥  
之說謂白鳥為蚊蚋則知以對青蠅有深意矣不然  
江湖多白鷺有何說邪

岩溪

子美詩草有害於人曾何生阻脩芒刺在我眼焉能待

時秋其憤邪嫉惡欲芟夷蘊崇之以肅清王室者抱  
懷可見臨川有勿去草草無惡如比世俗俗浮薄此  
方外之語異乎農夫之務者也 黃常明

子美云設網萬魚急蓋指聚斂之臣苛法侵漁使民不  
聊生乃萬魚急也又云能者操舟疾若風撐突波濤  
挺义入小人舞智趨時巧宦數遷所謂疾若風也殘  
民以逞不顧傾覆所謂挺义入也日暮蛟龍改窟穴  
山根鱸鮓隨雲雷魚不得其所龍豈能安居君與民

猶是也此與六義比興何異吾徒何為縱此樂暴戾  
天物聖所哀此樂而能戒又有仁厚意亦如前王作  
網罟設法害生成不專為取魚也退之又魚曰觀樂  
憶吾僚異此意矣亦如蘄簞云却願天日常炎曦故  
後人改之云豈比法曹空自私却願天日長炎赫黃常

明

唐子西上張天覺內前行云內前車馬撥不開文德殿  
下宣麻回紫薇侍郎拜右相中使押赴文昌臺此語

善於叙事質而不俚又云周公禮樂未要作致身姚  
宋亦不惡向來兩翁當國年民間斗米纔四錢此語  
善於諷諭當而有理皆可法也湖上云佳月明作哲  
好風聖之清栖禪寺歸云草青仍過雨山紫更斜陽  
語意俱新

李陽冰云太白不讀非聖人之書恥為鄭衛之作故其  
言多似天仙之辭凡所著述言多諷興自三代以來  
風騷之後馳驅屈宋鞭撻揚馬千載獨步唯公一人

故王公趨風列岳結軌羣賢翕習如鳥歸鳳廬黃門  
云陳拾遺橫制頽波天下質文翕然一變至今朝詩  
體尚有梁陳宮掖之風至公大變掃地併盡今古文  
集過而不行唯公文章橫被六合可謂力敵造化歟

達理門

苕溪漁隱曰裴說云讀書貧裏樂搜句靜中忙此二事  
乃余日用者甘貧守靜自少至老飽諳此味矣

許彥周詩話云羅隱詩云只知事逐眼前過不覺老從

頭上來此殊有味

朱氏復齋偶題詩曰出入無時是此心豈知鷄犬易追尋請看屏上初文旨便識名齋用意深

東坡云秋菊有佳色裛露掇其英泛此忘憂物遠我遺世情一觴雖獨進杯盡壺自傾日入羣動息歸鳥趨林鳴笑傲東軒下聊復得此生靖節以無事為得此生則見役於物者非失此生也歟

東坡送山本禪師赴法雲云是身如浮雲安得限南北



此二句乃老杜別贊上人詩中全語豈偶然用之邪  
題碧落洞詩云小語輒響蒼空山白雲驚此語全類  
李太白今印本誤作白雷驚不惟無意味兼與上句  
重疊也後自嶺外歸次韻江晦叔詩云浮雲時事改  
孤月此心明語意高妙如叅禪悟道之人吐露胃襟  
無一毫窒礙也

康節天津感事吟水流任急境常靜花落雖頻意自閒  
不似世人忙裏老生來未始得開顏

擊壤集

先天吟  
先天天弗違  
後天奉天時  
弗違無時虧  
奉時有

時疲

同上

身心吟  
身生天地後  
心在天地前  
天地自我出  
自餘何

足言

同上

康節無憂吟  
人生長有兩般愁  
愁死愁生未易休  
或向

利中窮力取  
或于名上盡心求  
多思唯恐晚得手未

老已聞先白頭  
我有何功居彼上  
其間攘臂獨無憂

擊壤集

詩話總龜後集卷六

欽定四庫全書

詩話總龜後集卷七

宋 阮閱 撰

達理門

否卦包承小人吉說者謂小人在下者包之小人在上者承之蓋處否當然杜云曲直吾不知負暄候樵牧是非何處定高枕笑浮生洗眼看輕薄虛懷任屈伸寄謝悠悠世上兒不爭好惡莫相疑其寄傲踈放擺脫世網所謂兩忘而化其道也

黃常明

漫叟無為洞口云洞傍山僧皆學禪無求無欲亦忘年  
又無為洞口春水滿無為洞傍春雲白愛此躊躇不  
能去念人悔作衣冠客岑參宿先遊寺云寄報乘軒客  
簪裾爾何容臨川何秀老云解我葱珩脫孟勞暮年  
甘與子同袍比之退之云方將歛之道且欲冠其顛  
向風長歎不可見我欲收歛加冠巾異矣六一有云  
自慚前引朱衣吏不稱閒行白髮翁說者謂不言亦  
可然次山宿丹崖翁宅詩云吾將求退與翁遊學翁

歌醉在漁舟官吏隨人往未得却望丹崖慚復羞吁

不淫乎富貴者也

君溪

東坡拈出陶淵明談理之詩前後有三一曰採菊東籬  
下悠然見南山二曰笑傲東軒下聊復得此生三曰  
客養千金軀臨化消其寶皆以為知道之言蓋摘章  
繪句嘲弄風月雖工亦何補若覩道者出語自然超  
詣非常人能蹈其軌轍也山谷嘗跋淵明詩卷云血  
氣方剛時讀此詩如嚼枯木及綿歷世事知決定無

所用智又嘗論云謝康樂庾蘭成之詩鑪錘之功不遺餘力然未能窺彭澤數仞之牆者二子有意於俗人贊毀其工拙淵明直寄焉持是以論淵明詩亦可以知其關鍵也

丹陽集

孟子所言皆精粗兼備其言甚近而妙義在焉如龐居士云神通并妙用運水與搬柴此自得者之言最為達理若孟子之言則無適不然如許大堯舜之道只於行止疾徐之間教人做了

龜山語錄

或問言動非禮則何以正視聽如何得合禮曰四者皆不可易易則多非理故仁者先難而後獲所謂難者以我視以我聽以我言以我動也仰面貪看鳥回頭錯應人視聽不以我也胥失之矣

上蔡語錄

呂晉伯兄弟中皆有見處一人作詩詠曾點事曰函丈從容問且酌展才無不至諸侯可憐曾點推鳴瑟獨對春風詠不休

同上

或問邵堯夫云誰信畫前元有易自從刪後更無詩畫



前有易何以見曰畫前有易其理甚微然即用孔子之已發明者言之未有畫前畫可見也如云神農氏之耒耜蓋取諸益日中為市蓋取諸噬嗑黃帝堯舜之舟楫蓋取諸渙服牛乘馬蓋取諸隨益噬嗑渙隨重卦也當神農黃帝堯舜之時重卦未畫此理真聖人有以見天下之賾故通變以宜民而易之道得矣然則非畫前元有易乎

龜山錄

熙寧十年夏康節感微疾氣日益耗神日益明笑謂司

馬溫公曰雍欲觀化一巡如何溫公曰先生未應至此康節笑曰死生亦常事耳張橫渠先生喜論命來問疾因曰先生論命否當推之康節曰若天命則已知之矣世俗所謂命則不知也橫渠曰先生知天矣載尚何言程伊川曰先生至此他人無以為力願自主張時康節居正寢諸公議後事於外有欲葬近洛陽城者康節已知呼伯溫入曰諸公欲以近城地葬我不可當從伊川先生塋耳七月初四日大書詩一章

曰生于太平世死于太平世客問年幾何六十有七

歲俯仰天地間浩然獨無愧以是夜五更捐館

聞見錄

張敬夫元日詩古史書元意義義存春秋揭示更分明人

心天理初無欠正本端原萬善生

南軒集

康節過士友家晝卧見其枕屏小兒迷藏以詩題其上

云遂令高卧人歌枕看兒戲盖熙寧間也陳恬云擊

壤集不載

同上

張橫渠聖心詩聖心難用淺心求聖學須專禮法脩千

五百年無孔子盡因通變老優游

橫渠集

五峯胡廣仲詩幽人偏愛青山好未是青山青不老山  
中出雲雨太虛一洗塵埃山更好朱氏陂云右衡山  
胡子詩也初紹興庚辰熹病卧山間親友仕於朝者  
以書見招集戲以兩詩代書報之曰先生去上芸香

閣

時藉溪先生  
正字赴館

閣長新裁豸角冠

劉共甫秘書  
丞除察官

留

取幽人卧空谷一川風月要人看一章窺牖前頭列  
畫屏晚來相對盡儀刑浮雲一任閑舒卷萬里青山

只麼青二章或傳語胡子胡子謂其學者張敬夫曰  
吾未識此人然觀此詩庶能有進矣時其言有體而  
無用故為是詩以箴警之庶其聞之而有發也明年  
胡子卒又四年某始見敬夫而後獲聞之恨不及見  
胡子而請其目也因序其本末而書之于策以無忘  
胡子之意云

見詩集

邵堯夫先生居洛四十年安貧樂道自云未嘗攢眉所  
居寢息處為安樂窩自號安樂先生又為甕牖讀書

燕居自平旦則焚香獨坐晡時飲酒三四甌微醺便  
止不使至醉也中間州府以吏法不餉餽寓賓乃為  
薄粥以代之好事者或載酒以濟其乏嘗有詩云斟  
有淺深存變理飲無多少繫經綸莫道山翁拙於用  
也能康濟自家身喜吟詩作大字書然遇興則為之  
不牽強也大寒暑則不出每出乘小車用一人挽之  
為詩以自詠曰花似錦時高閣望草如茵處小車行  
司馬溫公贈以詩曰林間高閣望已久花外小車猶

未來隨意所之遇主人喜客則留三五宿又之一家亦如之或經月忘返雖性高潔而接人無賢不肖貴賤皆懽然如親嘗自言若至大病自不能支其遇小疾得有客對語不自覺疾之去體也學者來從之問經義精深浩博應對不窮思致幽遠妙極道數間與相知之深者開口論天下事雖久存心世務者不能及也

康節嘗誦希夷之語曰得便宜事不可再做得便宜處不

可再去又曰落便宜是得便宜故康節詩云珍重至  
人嘗有語落便宜是得便宜蓋可終身行之也

邵伯溫易

理辨  
惑



詩話總龜後集卷七

欽定四庫全書

詩話總龜後集卷八

宋 阮閱 撰

博識門

嘗觀臨川解我葱珎脫孟勞嘗不曉孟勞何等物及觀  
穀梁傳注孟勞魯之寶刀

黃常明

子美於菟侵客恨乃楚人謂虎於菟土銼冷疎烟乃蜀  
人呼釜為銼富豪有錢駕大舸方言南楚江湘凡船  
大者謂之舸百丈誰家上水船荆峽以竹纜為百丈

塹抵公畦稜京師農人指田土幾稜

去聲

市暨灤西巔

夔人謂江水橫通山谷處為灤子厚桃笙葵扇安可

當宋魏之間謂簾為笙款乃一聲山水綠乃楚人歌

聲臨川窻明兩不借楚人以草屨為不借東坡倦看

澁勒暗蠻村蓋嶺南竹名又蓬沓障前走風雨注云

於潜婦人皆挿大銀櫛謂之蓬沓又幾思厭茅柴禁

烟日夜急山谷燕濕社公雨鶯啼花信風皆方言也

黃常明

江漢有許以扞制泛濫大漲則溢於平陸水退許見舟  
人謂之水落槽又灘石湍激其中深僅可容舟者謂  
之洪若大水則不復問洪矣臨川萬里寒江正復槽  
東江水落水分洪以此亦謂水黃帽謂雲砲車非遐  
征遠涉不能知也

同上

柳讀書篇瘴疴擾靈府日與往昔殊臨文乍了了徹卷  
元若無蓋常荅許京兆書云往時讀書不至底滯今  
每讀一傳再三伸卷復觀姓氏在宗元則為瘴疴所

擾它人乃公患也

同上

東坡云東來賈客木綿裘飲散金山月滿樓夜半潮來  
風又熱卧吹簫管到揚州集中題云夢中作蓋坡嘗  
衣此坐客誤云木綿襖俗飲散乃出此詩且云雖欲  
不可得也坐客大慙賈客事乃南史孔覲二弟頗營  
產業請假東還覲出渚迎之輕重二十餘船皆綿絹  
紙席之属覲偽喜命且置岸側既而正色謂曰汝輩  
忝預士流何至還東作賈客邪命燒書乃去

碧溪

家家養烏鬼沈存中以為鸛鵒說者謂非也元微之詩  
云病養烏稱鬼巫占瓦代龜自注雲南人染病競賽  
烏鬼楚巫列肆競賣瓦卜此乃戲效俳體二首其二  
亦云瓦卜傳神語皆是處方言則烏鬼非鸛鵒不疑  
矣

書史蓄胸中而氣味入於冠裾山川歷目前而英靈助  
於文字太史公南遊北涉信非徒然觀老杜壯游云  
東下姑蘇臺已具浮海航到今有遺恨不得窮扶桑

劍池石壁仄長洲芰荷香嵯峨閭門北清廟映池塘  
越女天下白鑑湖五月涼剡溪蘊秀異欲罷不能忘  
歸帆拂天姥中歲貢舊鄉放蕩齊趙間西歸到咸陽  
其豪氣逸韻可以想見序太白集者稱其隱岷山居  
襄溪南遊江淮觀雲夢去之齊魯之吳之梁北抵趙  
魏燕晉西徙邠岐從金陵上尋陽流夜郎泛洞庭上  
巫峽白自序亦曰偶乘扁舟一日千里或遇勝景終  
年不移其恣橫採覽非其狂也使二公隱坐中書何

以垂不朽如此哉燕公得助於江山鄭蔡謂相府非  
灞橋那得詩思非虛語也

學林新編云世傳織女嫁牽牛渡河相會其按史記晉  
天文志河鼓星在織女牽牛二星之間世俗因傳會  
為渡河之說媒瀆上象無所根據淮南子云烏鵲填  
河成而渡織女荆楚歲時記云七夕河漢間弈弈有  
光景以此為候是牛女相遇也其說皆怪誕不足信  
子美牽牛織女詩曰牽牛出河西織女處其東萬古



永相望七夕誰見同神光意難候此事終朦朦觀子  
美詩意不取世俗說也七夕乞巧見於周處風土記  
乃後人編類成書大抵初無稽考不足信者多矣

侯鯖錄云東坡作雪詩云凍合玉樓寒起粟光搖銀海  
眩生花後見荆公云道家以兩肩為玉樓目為銀海  
是使此事否坡退曰惟荆公知此出處

茗溪漁隱曰緗素雜記學林新編二家辨證乘槎事大  
同小異余近來撫其有理者共為一說按張茂先博

物志曰舊說天河與海通近世有人居海上者每年  
八月見浮槎來不失期齋一年糧乘之而去十餘日  
中猶觀星月日辰自後茫茫亦不覺晝夜奄至一處  
有城郭屋舍甚嚴遙望宮中有婦人織見丈夫牽牛  
渚次飲之驚問曰何由至此其人說以來意并問此  
是何處荅曰君至蜀郡訪嚴君平則知之因還後以  
問君平君平曰某年月日有客星犯牽牛宿計年月  
正是此人到天河時也所載止此而已而荆楚歲時

記直曰張華博物志云漢武帝令張騫窮河源乘桴經月而去一處見城郭如官府室內有一女織又見一丈夫牽牛飲河騫問云此是何處荅曰可問嚴君平織女取楮機石與騫而還後至蜀問君平君平曰某年月日客星犯牛斗所得楮機石為東方朔所識亦其證焉按騫本傳及大宛傳騫以郎應募使月氏為匈奴所留十餘歲得還騫身所至者大宛大月氏大夏康居而傳聞其旁大國五六具為天子言其地

形所有並無乘槎至天河之說而宗慄乃傳會以為武帝張騫之事又益以楮機石之說何邪子美夔府詠懷詩曰途中非阮藉槎上似張騫又秋興詩曰奉使虛隨八月槎如此類前賢多用之恐非實事

杜子美詩喜用文選語故宗武亦習之不置所謂熟精文選理休覓綠衣輕又云呼婢取酒壺續兒誦文選是也唐朝有文選學而時君尤見欽重分別本以賜金城書絹素以屬裴行儉是也外史檮杌載鄭奕嘗

以文選教其子其兄曰何不教讀論語免學沈謝嘲風弄月汚人行止鄭兄之言蓋欲先德行而後文藝亦不為無理也

丹陽集

雪浪齋日記云昔人有言文選爛秀才半正為文選中事多可作本領爾余謂欲知文章之要當熟看文選蓋選中自三代涉戰國秦漢晉魏六朝以來文字皆有在古則渾厚在近則華麗也苕溪漁隱曰少陵宗武生日詩熟精文選理蓋為是也

苔溪漁隱曰學者欲博讀異書余謂退之進學解云上  
窺姚姒渾渾無涯周誥殷盤詰屈聲牙春秋謹嚴左  
氏浮誇易奇而法詩正而葩下逮莊騷太史所錄予  
雲相如同工異曲若盡讀此足矣何必多嗜異書

詩話總龜後集卷八

欽定四庫全書

詩話總龜後集卷九

宋 阮 閱 撰

狂放門

劒閣云吾將罪真宰意欲鏟疊嶂與太白槌破黃鶴樓  
剗却君山好語亦何異然劒閣詩意在削平僭竊尊  
崇王室凜凜有忠義氣槌碎剗却之語但覺一味粗  
豪耳故昔人論文字以意為主性豪業嗜酒嫉惡懷  
剛腸飲酣視八極俗物都茫茫此子美胸中語也宜



其孩弄嚴武貌視禮法而朱老阮生皆莫逆及遭田  
父泥飲至被肘而不悔其內直外曲彊禦不畏矜寡  
不悔非世所能測也

若溪

唐史載杜審言嘗云吾文當得屈宋作衙官其孫乃有  
讀書破萬卷下筆如有神謂蘓味道見吾判且羞死  
甫乃有集賢學士如堵牆看我落筆中書堂謂為造  
化小兒所苦甫乃有日月籠中鳥乾坤水上萍所謂  
是以似之也

同上

藝苑雌黃云吟詩喜作豪句須不畔於理方善如東坡  
觀崔白驟雨圖云扶桑大爾如甕盎天女織綃雲漢  
上往來不遣鳳銜梭誰能鼓臂投三丈此語豪而甚  
工石敏若橘林文中詠雪有燕南雪花大於掌冰柱  
懸簷一千丈之語豪則豪矣然安得爾高臺或云詠  
雪非敏若詩見鮑欽止夷白堂小集茗溪漁隱曰東  
坡集載此詩是題趙令晏崔白大圖幅徑三丈故云  
往來不遣鳳銜梭誰能鼓臂投三丈可謂善造語能

形容者也畫品人間刀尺不敢裁丹青付與濠梁崔  
風蒲半折寒鴈起竹間的鱗橫江梅乃是崔白冬景  
圖藝苑以謂驟雨圖悞矣又李太白北風行云燕山  
雪花大如席秋浦歌云白髮三千丈其句可謂豪矣  
柰無此理何如秦少遊秋日絕句云連卷雌蜺拄西  
樓逐雨追晴意未休安得萬粒相向舞酒酣聊把作  
纏頭此語亦豪而工矣

郭功甫金山行造語豪世多不見全篇今錄于左方金

山杳在滄溟中雪崖氷柱浮仙宮乾坤扶持自今古  
日月彷彿纏西東我泛靈槎出塵世搜索異境窺神  
工一朝登臨重歎息四時想像何其雄捲簾夜閣挂  
北斗大鯨駕浪吹長空舟摧岸斷豈足數往往霹靂  
槌蛟龍寒蟾八月蕩瑤海秋光上下磨青銅鳥飛不  
盡暮天碧漁歌忽斷蘆花風蓬萊久聞未成往壯觀  
絕致遙應同潮生潮落夜還曉物數交會誰能窮百  
年形影浪自苦便欲此地安其躬白雲南去供八望又

起歸興隨征鴻

稱賞門

王直方詩話云樂天有詩云醉貌如霜葉雖紅不是春  
東坡有詩云兒童誤喜朱顏在一笑那知是酒紅鄭  
谷有詩云衰髩霜供白愁顏酒借紅老杜有詩云髮  
少何勞白顏衰肯更紅無已詩云髮短愁催白顏衰  
酒借紅皆相類也然無已初出此一聯大為當時諸  
公所稱賞

歌醉在漁舟官吏隨人往未得却望丹崖慚復羞吁

不淫乎富貴者也

君溪

東坡拈出陶淵明談理之詩前後有三一曰採菊東籬  
下悠然見南山二曰笑傲東軒下聊復得此生三曰  
客養千金軀臨化消其寶皆以為知道之言蓋摘章  
繪句嘲弄風月雖工亦何補若覩道者出語自然超  
詣非常人能蹈其軌轍也山谷嘗跋淵明詩卷云血  
氣方剛時讀此詩如嚼枯木及綿歷世事知決定無

所用智又嘗論云謝康樂庾蘭成之詩鑪錘之功不遺餘力然未能窺彭澤數仞之牆者二子有意於俗人贊毀其工拙淵明直寄焉持是以論淵明詩亦可以知其關鍵也

丹陽集

孟子所言皆精粗兼備其言甚近而妙義在焉如龐居士云神通并妙用運水與搬柴此自得者之言最為達理若孟子之言則無適不然如許大堯舜之道只於行止疾徐之間教人做了

龜山語錄

或問言動非禮則何以正視聽如何得合禮曰四者皆不可易易則多非理故仁者先難而後獲所謂難者以我視以我聽以我言以我動也仰面貪看鳥回頭錯應人視聽不以我也胥失之矣

上蔡語錄

呂晉伯兄弟中皆有見處一人作詩詠曾點事曰函丈從容問且酌展才無不至諸侯可憐曾點推鳴瑟獨對春風詠不休

同上

或問邵堯夫云誰信畫前元有易自從刪後更無詩畫



前有易何以見曰畫前有易其理甚微然即用孔子之已發明者言之未有畫前畫可見也如云神農氏之耒耜蓋取諸益日中為市蓋取諸噬嗑黃帝堯舜之舟楫蓋取諸渙服牛乘馬蓋取諸隨益嗑渙隨重卦也當神農黃帝堯舜之時重卦未畫此理真聖人有以見天下之賾故通變以宜民而易之道得矣然則非畫前元有易乎

龜山錄

熙寧十年夏康節感微疾氣日益耗神日益明笑謂司

元長用事美成獻生日詩略云化行禹貢山川內人  
在周公禮樂中元長大喜即以秘書少監召又復薦  
之揮麈錄

李白贈崔侍御詩云黃河三尺鯉本在孟津居點額不  
成龍歸來伴凡魚何當赤車使再往召相如相如蓋  
自謂也觀此不可謂白之無心於仕進者然當時慢  
侮力士畧不為身謀以致貶逐而曾不悔使其欲仕  
之心切必不如是先是蘇頲為益州長史見白異之

曰是子天才英特少益以學比相如故白詩中每以  
相如自比從弟之遙曰漢家天子馳駟馬赤車蜀道  
迎相如自漢陽病酒歸曰聖主還聽子虛賦相如却  
欲論文章贈張鎬曰十五觀竒書作賦凌相如白自  
比為相如非止一詩也

吳邁遠好自夸而嗤鄙他人每作詩得稱意語輒擲地  
呼曰曹子建何足數哉袁淑謂人曰我詩有生氣亦  
以用心深苦俄爾有得宜不勝其喜子美云語不驚

人死不休貫休謂得句先呈佛皆此謂也

老杜高自稱許有乃祖之風上書明皇云臣之述作沉  
鬱頓挫楊雄枚臯可企及也壯遊詩則自比引崔魏  
班揚又云氣劇屈賈壘自短曹劉墻贈韋左丞則曰  
賦料楊雄敵詩看子建親甫以詩雄於世自比諸人  
誠未為過至竊比稷與契則過史稱甫好論天下大  
事高而不切豈自比稷契而然耶至云上感九廟焚  
下憫萬民瘡斯時伏青蒲廷爭守御床其忠藎亦可

嘉矣 陽秋韻

復齋漫錄云江公著初任洛陽尉久旱微雨作詩云雲  
葉紛紛雨脚勻亂花柔草長精神雷車却碾前山過  
不灑原頭陌上塵溫公於士人家見之借紙筆脩刺  
謁江且為稱薦由此知名

投獻門

錢惟演為洛帥留守始置驛貢花識者鄙之蔡君謨加  
法小團茶貢之富彥國歎曰君謨乃為此也坡作荔

枝歎曰我願天公憐赤子莫生尤物為瘡痍雨順風  
調百穀登民不飢寒為上瑞君不見武陵溪邊粟粒  
芽前丁後蔡相籠加吾君盛德豈在此致養口腹何  
陋邪又不見洛陽丞相忠孝家可憐亦進姚黃花補  
世之語不能易也嘗愛李敬方汴河直進船詩云汴  
水通淮利最多人生為害亦相和東南四十三州地  
取盡脂膏是此河此等語皆為多貢獻也

評論門

介甫詩少陵為爾添詩興可見無心賦海棠杜默云倚  
風莫怨唐工部後裔誰知不解衣曾不若東坡柯丘  
海棠長篇冠古絕今雖不指名老杜而補亡之意蓋  
使來世自曉也

樂天九日思杭州云笙歌委曲聲延耳金翠動搖光照  
身子瞻有懷錢塘云剩看新番眉倒暈未應泣別臉  
消紅黎元耆舊何遽忘之也徐考其集白送姚杭州  
因思舊游云閭里固宜勤撫恤樓臺亦要數躋扳蘇

亦云細雨暗時一百六畫橈鼇鼓莫遺民是未嘗無  
意於民庶也然白又有故妓數人憑問訊新詩兩首  
倩流傳坡又有休驚歲歲年年貌且對朝朝暮暮人  
大抵淫樂之語多於撫養之語耳夫子稱未見好德  
如好色而傷之曰已矣乎二公未能免俗餘人不必  
言

子瞻賦濁醪有妙理首句云酒勿嫌濁人當取醇其末  
乃曰濁者以飲吾僕清者以酌吾友復立分別則是



濁醪無妙理矣豈非萬斛洶湧不暇點校故歟

司馬溫公云清茶談話難逢友濁酒狂歌易得朋雖造

次間語亦在進直諒之益而退便僻之損也

碧溪

雪浪齋日記云讀謝靈運詩知其攬盡山川秀氣讀退之南山詩頗覺似上林子虛賦才力小者不能到李長吉玉川子詩皆出於離騷未可以立談判也皇甫持正云吟詩未有劉長卿一字唐人必甚重長卿今詩十卷亦清麗

宋子京華記云古人語有推拙不可掩者樂府曰何以  
銷憂惟有杜康劉越石曰何其不夢周又有曰夫子  
悲獲麟西狩歎孔丘雖有意緒詞亦鈍樸

詩話總龜後集卷九